

補遺

補遺者前志未登諒由倉卒後事搜羅得諸恍惚雖舊
雨之難追庶流風之未歇若再失之桑榆恐終淪於蕪
沒其事其人不日不月姑待將來以爲揚圻續補遺

補疆域

詠臯邑風土

余儀曾

洪濤迴赤岸輿縣廣陵偏封域分千古城池始百年地爭
江北岼天盡海東邊芹水超金鹵霞山護玉涓四郊牧草
蕩一水灌洋田風俗原純樸棲遲每靜便家人樵采易園
圃果蔬平雨韭盤烹蛤霜葵釜割鱸生憎黃鯨賤溺愛白

如臯縣續志

卷十六

補遺

蝦鮮蜃市神仙宅侯鯖賈客船問錢開夜籩播麥耨春煙
賦藉沙田米贏兼陽壤棉煎鹽鹹地脈滄茗淡天泉物產
絡無匱人材代有傳堯元高宋室理學化吳川指棘王孫
隱鉤書帝使連大銓身殉難小相計非全官本文章得軀
將喪亂捐說詩尊石言爲政肅蘇錢吏部冢聲美經魁物
望先前王今不作古道闕無宣衢路交魑魅衣冠濫市廛
驕矜天馬步河漢木雞篇德視腰纏殺榮無寵命愆桃符
同水湧甲仗與雲駟宿醞延津要芳殮沸鼎筵歡追歌管
末香發綺羅前公子誇鮫客佳人託閨仙昧觀欹器理浪
脅雪山肩欲返斯民習端資邑宰賢周南留滯者水北草
堂眠自許心疎豁人嫌室倒懸妻拏恆凍餒老病動拘牽

曾種衡門柳臨風且聽蟬

望摩訶山詩

賁琮

摩訶山在大江中望之如髻浮碧空日本琉球一葉通吾
祖抱杞憂無窮建議立寨劊奇功扣闥讜語勒鼎鐘忽有
虎豹扼其胸鑿山通道事未終原注先王父奏請立寨此
山以備倭寇權璫求賄

命不果下今疏稟報國
策尚存修志者擯不錄後來天意轉朦朧桑田一變成蛟
宮洶涌澎瀆聲淪淪竹排十里化為虹鼉登島嶼蠓蠕冲
鷄鷄飛散鷓鷓叢未幾寇盜發穹窿縱火焚燒山童童鼎
遷分籍屬江東鄖水輿圖失隴嶺大海鯨翻波影紅果由
京口駕長風秣陵幾覆千艨艟誰念憂時昔老翁今日翠
蓋出江楓遙瞻海澨石籠從揮鞭得句奇且工和者千人

如臯縣續志

卷十六

補遺

二

追孔融若能歸奏建元戎東南保障勝大雄吁嗟若能歸
奏建元戎東南保障勝天雄

掘港場春詞

奈儀曾

海氣江聲入望偏平沙淺渚雜人煙東風早晚桃花汎鮭
菜如泥賈客船

白蒲竹枝詞

姜恭壽

夾岸桃花拂晚風西亭壩上水淙淙夜來三尺桃花水幾
朶漁燈徹水紅

新河岸上月盈盈新河岸下水清清上船下船停不住臥
聞兩岫讀書聲

閉黃沙洋口紀事詩

徐承浩

秋七八月海風急怒濤挾風作人立奔流直向黃沙灘
口巨張揖潮入洋內居民數百戶桑田竈產列部伍但逢
秋漲勢汎濫膏壤頓教成鹽鹽遊魚爭隨水入室田禾盡
沒收何日出門無路炊無竈婦子啼飢聲唧唧聞說茲口
閉自讐誰與開者其無後官吏民商盡惘然數十年來俛
之咎辭使文公功莫大下車亟亟問民害愷切奏聞情勢
眞 天語下頒萬民賴鄉里義士爭響應捐修不惜家貲
罄瘞水積石不日成一壩屹立勢綿互譬如猛虎善噬人
至此已能扼其吭又如屯軍壩上勢且雄一夫拒關誰能
當興利除害仁者力備水防旱君子策從此海若慶安瀾
爾民乃得闕一字田宅幸逢 盛世不揚波范公隄下春田
如臯縣續志

卷十六 補遺

三

多飲和食德從今始常效康衢擊壤歌

濬河行 原注乙丑臘月

陸 進

天寒地凍泥土坼邑宰傳呼濬河急特遣胥隸前致詞役
夫欲倩富兒覓富兒幸得結官長不顧人命只顧賞揭來
莊堡搜壯丁黠者逃匿愚者枉一日二日陰風深飛來雪
片大於掌官價給米日一升窮民飢餓苦不勝榜腹那能
充一飽哭向總管求加增短布單衣不掩踝沾體塗足皮
肉破朝來作飯傍土銼中夜露處仰天臥人云彼蒼胡不
仁詎知彼蒼意甚曠 皇恩怙冒大莫擬胡爲事均勞逸
分得已不已卻何因爾欲報功困下民更有厯賤肆荼毒
秉燭晝夜相迫促小民不忍管撻苦訴之官長空遭辱垂

頭飲泣不能止前月已有三人死

後濬河行

原注丙寅臘月

陸進

寒冰冽冽河上凝水車汨汨河下鳴隴頭擔夫操畚搗流
漸臘月嗟哈嘞訊知 朝廷濬河急耗費盡出商人力商
人射利收羨餘 皇仁不貪多蓄積儲稅存貯業有年貸
向牢盆幾倍息今秋纔得輸內帑仍與民間資利益 欽
命疏濬向南方既以便農更便商農夫溝深恣灌溉商人
販賣利舟航况是年荒人乏食募值儘可充飢腸公旬三
日豈無時用民之力亦何常司空委員員委吏紛紛腥逐
人如蟻方丈尺步有稽程暗增明減焉能計小民沾惠曾
幾許卻拋妻子前來請手足匍匐不得停水宿風餐暗垂
如皇縣續志

卷十六

補遺

四

滄天憐此輩一冬晴忍教雨雪相侵凌土酥凍解下鍾易
一月半月功可成劇知我 皇多惠政更感蒼昊施哀矜
但願明年麥早熟秧鋤插處聽倉庚

補賦役

題旨襄救荒記

吳橋 范景文

序曰誰能割一寸膚鏟一指一趾不驚謬匿走者乎爲拯救其愚兒子則蹈湯火糜爛其肢體冒白又斷厥手臂不悔苟得出其至愚極陋之子女且大喜忘其慟也故同一愛生也愛其生與愛其兒女子之生則愛生不若愛其兒女子之生之甚人情大抵然也爾者以來水如火牡不睦潦而熯熯而復潦又螟螣之屬商羊熯潦之間夫熯潦天刑蟲孽則更奇焉昔也聚族土厚水淺之鄉今則以遊以散乎江之南昔也蠶賊宜陸而惡水今則渡水若飛積雨彌健古所稱欲孤欲與居欲求扶三者不族求其弟不可如臯縣續志

卷十六 補遺 五

得安望耨之長其兄哉千里號飢無以爲家於是舉其所甚愛棄之不顧非忍棄之甘棄之也以其身護之至不能護無有其身矣不得不棄之也窮究至理豈非以向者西北之民太勞苦東南之民太安佚粒米狼戾風俗奢侈富者無禮而貴人驕膏粱子弟既不知稼穡事父若兄亦遂不知節制之一奴倖之被服一貴介之笙歌可以盡中人之產充畢世之資其自奉如此迨取諸田畷則絲毫不假日見其裂膚塗足而不問天是以怒而刑之五行志曰不生五穀上下俱貧然君子後飢細人先瘠亦勢之必漸也若此時仍持彼已曰此人子非吾子也忍心坐視則細人盡而君子繼焉天亦不復矜念之矣夫人情愛其所甚愛

至不能護而棄之棄之時其愛愈甚結是心以死其精
能上告於帝斷不誣也壬午七月旣望偶同侍御孩未方
公觀佛事時旨辟疆在座辟疆具述畿城棄兒之慘彼凡
有所見則抱歸鞠育然不可繼也謀之余與方公思得一
普徧救養法適蔡懷真首舉西方寺僧可當其任辟疆詳
爲條議有綱有目周慮厥終復捐重資以倡之蓋辟疆以
非常之才具經世之畧前冬捐產救荒其里人沾被者以
億萬計救焚拯溺到處援引雅不令人知余以爲士君子
旣有其善公卿大夫當贊成其事欣然倡和爲之廣告匪
獨識一時同志之誼也恐轉眼傷心之事不一而止如牧
事催科讞事刑獄養老養疾之實事弗稽救荒救饑之至
如皇縣續志

卷十六

補遺

六

言弗上征成不得飽輸發之糧耕牛不得食麥秋之草未
必不因此一舉惻然感動推廣而類引之無窮也吾聞哀
氣喪終愛氣生物天之志也又聞三五而盈三五而缺天
之數也嗟夫置之則置之耳語之何益不忍置之則聞吾
言遂不能置之吾言亦偶起耳人人固有其宿根在也

康熙二十八年

御製至聖先師孔子贊並序

蓋自二才建而天地不居其功一中傳而聖人代宣其蘊有行道之聖得位以綏猷有明道之聖立言以垂憲此正學所以常明人心所以不泯也粵稽往緒仰溯前徽堯舜禹湯文武達而在上兼君師之寄行道之聖人也孔子不得位窮而在下秉刪述之權明道之聖人也行道者勲業炳於一朝明道者教思周於百世堯舜禹湯文武之後不有孔子則學術紛淆仁義湮塞斯道之失傳也久矣後之人而欲探二帝三王之心法以爲治國平天下之準其奚所取衷焉然則孔子之爲萬古一人也審

如臯縣續志

卷十六

補遺

七

矣朕巡省東國謁祀闕里景企滋深敬摛筆而爲贊曰清濁有氣剛柔有質聖人參之人極以立行著習察舍道無由惟皇建極惟后綏猷作君作師垂統萬古曰惟堯舜禹湯文武五百餘歲至聖挺生聲金振玉集厥大成序書刪詩定禮正樂旣窮象繫亦嚴筆削上紹往緒下示來型道不終晦秩然大經百家紛紜殊途異趣日月無踰羹牆可晤孔子之道惟中與庸此心此理千聖所同孔子之德仁義中正秉彝之好根本天性庶幾夙夜勛哉令圖溯源漆泗景躅唐虞載懋庭除式觀禮器摛毫仰贊心焉遐企百世而上以聖爲師百世而下以聖爲師非師夫子惟師於道統天御世惟道惟寶泰山巖巖東海泱泱牆高萬仞夫子之堂孰窺其藩孰窺其徑道不遠人克念作聖

御製顏子贊

聖道早聞天資獨粹約禮博文不遷不貳一善服膺萬德來萃能化而齊其樂一致禮樂四代治法兼備用行舍藏王佐之器御製曾子贊

洙泗之傳魯以得之一貫曰唯惟聖在茲明德新民至善爲期格至誠正均平以推至德要道百行所基纂成統緒修明訓辭御製子思子贊

於穆天命道之大原靜養動察庸德庸言以育萬物以贊乾坤九經三重大法是存篤恭慎獨成德之門卷之藏密擴之無垠御製孟子贊

哲人既萎楊墨昌熾子輿闢之曰仁與義性善獨闡知言養氣

如臯縣續志

卷十六

補遺

八

道稱堯舜學屏功利煌煌七篇並垂六藝孔學攸傳禹功作配

改建文廟儒學記

盛儀

如臯有學始於南唐保大十年在縣東北宋紹興初遷於縣西南歷代修廢不常至國朝成化庚子西蜀向侯狎重修廟學歲久傾圮且規模卑隘又近市囂喧不稱毓秀近年尤號荒落嘉靖己亥樂至黎侯堯勳以各進士出宰斯邑修師帥父母之職博士弟子冒生諍臣以改建請侯曰吾志也歲庚子侍御疏山吳公悌按臯謁先師廟瞻仰慨然侯述諸生具白修創意疏山慨然許之且曰非黎尹莫勝此也乃發贖金爲倡侯周爰咨度得地於縣東南廢嶽廟故址其地高爽廣遠南抱長江西環淮泗而又有古銀

杏二大樹各合圍二丈於其間曰天將留此待時而興乎
乃召民佃舊學基地民欣然從得金千有五百曰吾用足
矣可不勞民遂殫厥心思覓工備料僱役給食百工偕作
數月間已告落成廟貌深峨堂應齋舍門庫墼垣完美壯
麗視昔有加士子優遊其間藏修待用誠爲勝地侯已請
南大司馬甘泉湛先生南翰林學士東廓鄒先生記其事
矣而邑博吳君元司訓詹君仕顯何君蓋及諸生復欲儀
有言其後乃具事狀介許生訪石生峻請敝廬懇焉儀辭
不文且近贅矣二生曰侯非以學教也固以身教也侯師
友甘泉東廓講心性之學且締交海陵林東春相與質証
而以語諸生諸生得聞斯道實侯信之焉敢忘也儀乃嘆
如臯縣續志

卷十六

補遺

九

曰有倡斯和從古已然儀不敢遠引姑以臯學言之宋趙
清獻公闢道知海陵日崇學校禮師儒臯卽海陵分地其
時乃有天下道德之儒如安定胡翼之先生出焉先生之
徒在臯則大理寺丞王觀以文名顯御史中丞王觀以名
臣著狀元王俊乂以直節正論聞後輩興起者多皆清獻
安定力也侯之作興固清獻心矣諸生感發興起以安定
爲師上希孔子孟以諸先生爲友上追周召亦在爲之而已
矣如是侯之望豈不副哉若侯廉平大節師帥父母諸善
政狀稱縷縷茲不敢悉當別傳云

尊經閣藏書記

江大鍵

嶧山夫子云分人以財僅謂之惠蓋以小惠不能徧也利

澤及人其道無方惟溥且長者收名遠廣廈以庇人挾纒以溫人皆不若吾邑黃叟捐書學宮嘉惠來哲美善堪垂不朽尊經閣者學宮藏書之地舊存典籍無多邇者

欽定中秘甲乙丙丁之庫分列省會雖許士子借觀艱於往就黃叟家藏萬餘卷請以太半分貯學舍及邑書院供士林講肄繕繳目錄三百六十四部計七千一百九十九卷經史子集鮮不備具邑侯張廣文蔡宋書院長黃率多士敬禮登受申文州憲呂學憲胡皆優獎之注於冊邦人屬余紀其事余惟叟以布衣德洽鄉評齒臻國瑞傾心素矣曷嘗識其子理工書法善詩詞言談筆墨時露腹笥謂是能多讀書人亦不知其鄴架所藏如斯之富今茲義舉沾溉一如臯縣續志

卷十六

補遺

十

聖天子壽考作人之意真堪不朽已顧竊謂書舍異於錢穀穀計口而受錢分人而給其用易罄書則鑿之以爲田生而不已蓄之以爲海勺而不竭者也然蟬蠹飽而人弗食何異粟紅貫朽滕篋眩而腹仍枵甚於隸侵胥盜是在收掌者按籍檢存以時稽數勿度高閣勿聽散亡讀書者是珍是護勿損以墨跡油污人人虛往實歸日新月異庶不負叟

惠及藝林之婆心也叟名興祚字紹翼號芝田

補禮典

雍正二年

頌發耕藉所歌三十六禾詞一章

光華日月開青陽房星晨正呈農祥

帝念民依重耕桑肇新千籍考典章吉蠲元辰時日良

蒼龍鑿輅臨天閭青壇峙立西南方犧牲簠簋升芬芳

皇心祇敬天容莊

黃幕致禮虔誠將禮成移

蹕天田旁土膏沃洽春洋洋無犁行地牛服韁司農種稔盛青箱
洪縻在手鞭絲揚率先稼穡爲民倡三推一墾制有常五推九
推數遞詳王公卿尹咸贊襄甸人千耦列雁行耰耨旣畢

如臯縣續志

卷十六

補遺

十一

恩澤滂自天集福多農穰來牟蕎蕎森紫芒華薊赤甲秬稗秠秬
秠三種黎白黃稷粟堅好碩且香糜芑大穗盈天長五菽五豆
充瓏場粢粢糜纂九色糧蜀秫玉黍兼東廩烏禾同收除童梁
雙歧合穎遍理疆千箱萬斛收神倉四時順序百穀昌八區九
有富蓋藏歡騰億兆感

聖皇

爲如臯公立巡撫趙公瑞輪遺澤碑記

山陽胡之駿

今皇初葉爰整王師天威不遠咫尺寓內喁然嚮風猗歟一統之
威其軼三代而上乎廣陵爲古揚州地扼江甯戶牖當豫
楚閩粵七省之衝中原一大都會也瀕江帶海險阻非常
民切來蘇之望甯無後夫之凶於是我趙公瑞輪奉

簡命撫茲土節鉞攸臨爭先效順德威兼濟安攘立成已蓋廣陵
土地沃瘠俗尙輕靡士急勛名而輕節義人趨遊冶而鮮
樸貞百歲爰居者旣鳥獸散四方雜處者易風鶴驚我公
以逸待勞以精擊多賞罰嚴功罪確不血刃靡爛而后来

如臯縣續志

卷十六

補遺

十三

恐後臣附惟先始以行義爲干城以不殺爲神武者歟如
臯維揚東鄙彈丸斥鹵耳第路介通泰兩州始緣當事積
玩二三罍蠹相比爲奸遂至葉從枝附蔓不可圖締連小
竈妖道輩嘯聚海濱大肆猖獗殺官圍城勢危壘卵我公
躬冒矢石手縛渠魁重圍頓解萬姓全甦功德與覆載俱
宏矣他如鴻雁招集不致家室仳離士馬安閑毋使郊圻
擾害塗巷歌頌又不足以盡我公也我公以文武兼長奏
方召偉略久控萬里長城何啻一郡保障指日秉鈞當軸
變化調元爲

八子救甯天下千萬年而後雲石膚功鼎鐘異績永垂開國之
勛世食無疆之祚皆不筮而可知也夫像畫雲臺紀

新朝報功之典廼碑存峴淚覩小民戴德之思廣陵暨如臯秦通
諸郡邑沐公再造之恩膺公更生之賜公去之後士哽於
鬢農咽於野東南半壁徬徨歔歔於路易嘗一日能忘公
也此邦之人不能頻見公而見此歸然負贛者猶見公請
諸郡守卞公三元邑令殷公應寅學博朱君日采闔君補
宸礪石以當甘棠之樹而不佞之駿謹摺摭其萬一焉趙
公諱福星號瑞輪滿洲人

補秩官

宋麋溧字子長師旦子以郊恩授如臯尉登慶元進士政
和州司戶參軍知廣濟縣崇庠序督課試平役法講禁
政惠政滂溢於時擢監察御史言事激發丰裁凜然轉
朝議大夫秘閣修撰溧學問充實性氣純厚居家孝友
雍穆立朝正色剛直有大臣之節名重一時見萬姓統譜
元陸仲高進士蘇州震澤人至正十二年由山陽縣教諭
陞如臯知縣後居縣北陸家淺

補選舉表

叢果 明嘉靖朝官魯王府典膳

叢誨 明嘉靖丙午提學楊午山奉詔薦舉茂才異等第一

吳彭齡 道光十四年湖北江夏舉人原籍如臯

王金墉 嘉慶十六年山東試用縣丞署長山縣丞

吳箎 嘉慶二十五年誥授通議大夫官山東鹽運使司

吳元鳳 嘉慶二十五年以姪孫箎官馳贈奉政大夫安徽鳳陽府同知

吳志遂 道光八年以曾孫箎官馳贈中議大夫山東鹽運使司

吳元呈 道光八年以孫箎官誥贈中議大夫山東鹽運使司

吳為本 道光八年以子箎官誥贈中議大夫山東鹽運使司

陳驥良 道光十一年狼山鎮右營把總軍功加守備銜

冒政字有恆秦州籍後遷如臯成化乙未進士授南京戶部四川司主事遷郎中性廉介絕苞苴出守武昌多所興革除山東參政弛南旺湖禁以卹貧民改遼陽任擢副都御史巡撫甯夏時劉瑾竊柄覬賄不遂誣前在遼軍儲多浥澗詔獄罰米三千石貧不能辦總兵毛倫具奏請得折價瑾勉從之斥爲民瑾誅復職三詔不起里屋著書年七十七卒賜葬祭祀鄉賢祠

李上林字明戴甫十歲能盡識先世所藏書某經第幾籤某史第幾籤隨取一卷輒翔步歌詠如老生宿儒渙然冰釋者萬歷中以貢爲新泰合秉操純白邑以大治旋如臯縣續志

卷十六

補遺

六

謝病歸新泰民尸祝之祀名宦祠子伯龍南光祿署丞行履端恪博極羣書至是致政歸養鄉里榮之天啟間邑人祀上林伯龍於鄉賢祠

馮世昌字時吉以祖貴一調衛甯山遂隸籍獲嘉生而穎悟童時卽知名宏治十四年舉於鄉正德六年第進士授禮部主事大學士李東陽奇其才七年擢兵科給事中時同榜何瑋以直講筵觸忌諱調東昌同知昌餞之以詩有此去南邦親吏事好從東海酌清泉之句九年寧王宸濠請復護衛詔百官議昌所論與費宏合中涓錢甯惡之會大學士楊一清欲重用昌甯遂嗾兵部尙書陸完左遷世昌行人司正十二年隨幸大同射獵臨

和諸城時上每獨跨一騎驚越前進儀衛侍從皆不及會天雨雹軍士有死者昌遂力請回蹕不聽適敵騎數萬犯陽和諸從臣幾及於難十六年世宗踐阼召復費宏官昌亦授原職以議禮不愜時貴意旋去位居家惟講求性命之旨立身行己皆務切實平時與人如坐春風而臨事則毅然不可奪以不忘鄉井臨歿命葬於如臯

馮上知字元靖汝甯學博效孝子兵科給諫世昌曾孫也天資英特神采奕然萬曆十年舉於鄉十七年第進士由翰林薦陞比部郎直道居官人不敢要以私丁酉三試三楚得熊尚書廷弼先是熊已發武解恥爲人詬病

如臯縣續志

卷十六

補遺

七

改入文庠又以求遺失禮於學使受杖至是撤棘復得省元楚人士相慶號馮爲知人戊戌甲辰兩充同考官所取士皆一時名雋京師有桃李春官之譽備兵楚北荏苒咸歛跡仕終太常寺正卿著有皇華日札及京楚退思錄

馮上賓字元獻學博效孝季子生平雅好讀書饒幹材未勝衣卽列經生籍旋魁一經天啟二年與李之椿黃道周盧象昇同登進士遂相友善陳集生子北海內各宿也讀其闔中牘亟推獎之賓原籍與之椿同里每歸輒往來於霞起園詩酒留連或數昕夕不置由戶禮二部主事改渭南推官有訟民負屈持金求直賓叱退之卒

爲平反遷山東按察副使既備兵益奮忠勇訓練整飭
戎政一新崇禎八年象昇撫湖廣賓亦轉湖廣參政建
議每與昇合昇倚之爲長城後以直言見忌烏程遂奉
諱歸服闋竟不仕

李一乾字健吾生有至性倜儻負氣節甲申之變聞思宗
死社稷卽以頭捨地慟哭幾斃子正利率家人扶而慰
之曰僻壤無確音盍姑待之旣而

國朝伸大義爲思宗復讐猶閉戶著故衣冠鄉人懼禍摘告
之揚郡大尹詰其情曰匹夫有志斷頭何妨尹復詰正
利正利曰父子不一心忠何成忠孝何全孝大尹怒而
杖之父子先後死冒襄爲之傳

如臯縣續志

卷十六

補遺

六

嚴期大字子見鄉賢怡之孫孝子正伯子親閭閻如性純
孝不事虛矯以母早逝爲恨事父承歡養志生事喪葬
悉以禮數一如其父之事祖傾橐鑄石谿詩集建家祠
凡可表揚先德者悉殫心力爲之邑侯熊奮渭鄭人達
李丹衷皆器重之范吏部鳳翼爲立傳

李必魁字文光邑附生性孝九歲出繼伯儀鳳爲嗣居喪
如成人奉養嗣母晨昏順意後嗣母壽九十一生母壽
九十五葬祭盡誠家居教授不計資斧有以厚禮延請
者慨然曰吾親老矣能頃刻離左右哉力却之壽八十
七朱琦爲之傳

范曾垂號祚光增廣生會魁曾輝弟幼多疾十歲後始入

書塾聰慧過人弱冠遊庠詩古文詞著作極富壽九十
七

陳增慶字維章庠生天資穎悟五歲就傅讀書過目不忘
年十三以通經受知於莊有恭學使後莊撫吳召慶至
署肄業以奉母辭不往生平事母極孝乾隆癸卯鄉闈
首薦主司激賞之以三場謄錄脫寫字句遂遺後築瑞
竺書屋於城南成就後學學者稱為養晦先生著有望
雲閣詩草

叢合松字端巖三歲失怙撫於母趙比長入成均臚母節
行請

旌建坊孝養祖母與節母甘旨無缺母病湯藥親嘗八年如

如皋縣續志 卷十六 補遺 十九

一日善書與楊虛谷邑令訂文字交一時名流咸題詠
母之節似易其書乾隆丙午嘉慶丙寅甲戌歲飢勸賑
活人無算卒年七十一

宗崎字蓉江由貢士補泰安典史與知府李堯棟極相得
時唐仲冕主講書院崎助以貲脯後唐知通州崎往見
之親書莫放春秋佳日去最難風雨故人來楹聯以贈
今尚藏於家

張炳字麗南庠生年二十讀書黃泥山屢薦不售事親奉
養竭力親歿哀毀骨立分修脯給諸弟家法嚴整著有
雞肋篇年八十四卒子煥光字文明庠生父終哀號如
孺子生平不取非義自號遼觀居士著有帥儉草堂詩

鈔卒年七十四

鄭滄選字朝進國學生歲飢賑濟里人製額贈焉子大用能繼父志

馬永善字慶餘太學生性豪爽與邑中諸名士聯詩酒交何延模邑宰贈以英氣凌雲額可想見其概矣壽七十八子中驊中騮孫成三封三捷三均蜚聲黌序

王君盛字鈞勝樂善好施雍正年間海潮泛溢淹斃無算盛給糶葬之義塚少壯者量給衣食邑侯周鼎鑑書樂善不倦額旌之大吏奏獎八品頂戴年五十無嗣忽舉一子名曰天裕孫五曾孫九長宗政善岐黃幼宗德四世一堂壽九十六

如臯縣續志

卷十六

補遺

二十

叢方藹字力美父早逝母遺腹生藹比長純孝性成家素貧藉修脯以奉甘旨自奉則半菽不飽晏如也嘗念母節之苦爲廣乞士大夫詩歌以表章之欲請旌而艱於費乃日跪大令門令憐其意爲請於朝獲賜綽楔同邑許學博素重其孝字以女未幾女病癩或風其悔盟藹弗爲動卒娶之舉二子而許逝藹遂終身不再時年止三十耳乾隆丙辰詔郡邑舉行鄉飲禮邑令丁使君獨推藹藹力辭不赴邑令高之遂述其懿行達於尚書省奉命賜冠帶視八品秩

朱清淞字南江號尊思元興鎮人磊落有奇才性尤孝友弱冠偕兄清渠學博遊京師肄業成均援例得授州吏

目捧檄秦中上遊一見咸器重之委權朝邑三簿篆以廉能著大吏知其餘力勤濟復調署蒲城永豐巡檢三原臨潼兩縣尉西安府知事先後八年均稱職報最所至有聲旋因軍功膺保薦方期大用以父憂歸里遂不復仕隱居自娛殆神仙尉之流亞歟子二琳積學早逝憲四川試用布政司經歷

姜樹字巢雲廩貢生甲午應京兆試挑取騰錄議叙縣丞分省粵東以軍功陞海陽知縣循分供職惟日於小齋披覽藏書五千卷嘉慶戊午夏蝗奉檄撲捕或曰蝗豈易盡樹曰蝗不易盡而吾心不可不盡也上官重之陞潮之大澳同知甫一載以老病乞休歸里著有巢雲書如臯縣續志

卷十六

補遺

三

屋詩文集行於粵

繆偉臣字亮士康熙辛酉科武闈鄉薦丁丑科成進士不求仕進樂善好施借昆仲輩建有玉皇閣藥師菴在李家堡

冒鉦字葵原以從九分掣楚北時賊氛逼近饑饉薦臻權漢陽縣丞開賑粥全活十餘萬人大吏嘉之委辦漢陽局務釐奸剔弊出署雙溝司時有巨盜陳開來糾約河南鄭黑虎黨與數萬定期起事鉦偵知之密檄練勇獲首犯八人解訊伏法得紅緞名單一具載名甚夥鉦日毋累及無辜也投之火眾心以安司人立公生祠挂冠歸侍養致鸞箱篋具生平廉潔可想矣

補方技

蔡女蘿金曉珠皆旨辟疆先生姬人金名珣崑山人當時稱玉山夫人吳茵次綺謝女蘿畫鳳啟有曰借丹穴之靈毛圖成比翼用紅窗之偶影繪作雙棲玉山夫人居染香閣畫師高房山張庚畫徵續錄謂小幅得其氣韻嘗臨薛少保十一鶴圖汪蛟門懋麟有詩見百尺梧桐閣集女蘿歿其銘墓亦蛟門爲之

姜宜字玉峯庶常姜任修女任修善琴宜盡得其學又學畫於崇川湯入林墨蘭竹石有管夫人遺法工吟咏清新密麗及笄歸孝廉錢標林結褵七年卒有玉峯遺集稿三卷

如臯縣續志

卷十六

補遺

三

熊連字澹仙號茹雪幼聰慧善畫學詩於江片石明經間出奇句驚長老長益耽之古文制藝俱嫻早許字同里陳遵遵得廢疾遵父不欲誤澹仙終身請毀婚澹仙不可卒歸陳間歸奉孀母勤操作暇輒以詩賦自遣邑令曹星湖先生稱其以鮑妹之學守宋女之貞巾幗中之奇者也爲序其詩集有澹仙詩鈔四卷詞鈔四卷行世隨園老人選入詩話見蝶云曉露零香粉春風拂畫衣輕紉原在手未忍撲雙飛村女云柔桑枝上聽鳴鳩曉起提筐過翠疇借問誰家春夢好半窗紅日未梳頭調
花詠刺繡美人云二八紅圍春似水幾日金鍼拋却奩箱裡含睡朦朧慵不理簾前鸚鵡頻催起 手展

綴綺重著意鸞譜拾來幾朵花爭麗繡到雙飛私自
背人笑向紅窗倚愁賦云異哉愁之爲物也推之下去
探之無蹤猛縈心曲憤鎖眉峯隨夢魂而輾轉逐形影
而西東遂使吟風泣雨慘綠摧紅騷客無端之寄托詩
人不盡其形容默默如癡非絲桐之可解慙慙若疾豈
藥石所能攻於是白晝嫌譁黃昏厭靜倚柱方歌塞帷
乍醒聰明自誤情何事而多寤寐無常夜因之而永花
落鵲啼霜高月冷任玉案其欹斜却醅醪之酪酏恆搔
首而問天時臨風而顧影爰有孤臣海表羈客天涯萬
里關山河梁泣別孤舟風雪晚歲離家寂寂高樓望遠
則天連芳草溶溶深院懷人則月上梨花秋到離宮班

如臯縣續志

卷十六

補遺

三

女詩題紈扇雲垂大漠明妃淚溼黃沙樊通德燈前擁
髻蔡文姬帳內聞笳其愁若此至矣無加况乎落魄餘
生窮途弱息抱漆室之悽惶同靈均之寃抑幾燦骨而
消魂爲憂讒而畏逼牽蘿空谷夜雨燈昏逝水流年高
堂日昃戶掩蓬茅堦生荆棘落葉瀟瀟寒蛩唧唧枕上
鐘聲窗前月色藏愁有窟郤愁無方蓬山浩渺瀛海蒼
茫登彼岍其無航兮望天漢其無梁安得從赤松而逍
遙兮乘白雲而翱翔製芟荷以爲衣兮飲王母之瑤漿
招鸞鶴以爲驂兮聽廣寒之霓裳化莊生之蝴蝶兮探
閭苑之芬芳苟神僊之可學兮又何必留滯乎愁鄉

補列女

節婦紀氏適劉岐生子允元一年而岐卒家頗饒家人思
嫁而并之凌窘至日謀賊其孤紀泣曰天平姑老子
在抱其誰庇之也啼號終日不令允元就人食飲夜則
重圍局錮覩婢盡遣去侍者惟一二老嫗雖盛夏毋得
啟戶納涼事姑孝為允元延師待之殊禮遂補邑諸生
傳家純謹諸女孫亦貞靜有常胥被德而化允元欲上
之當事以請旌表紀固辭乃止按鄭楊兩志傳載氏守
節年數今從石璜匏菴

遺集
錄出

節婦劉氏為馬塘場人劉隆宇季女適同里王理甫理甫
兄弟三人仲替其母絕憐之出入命理甫相理甫性孝

如臯縣續志

卷十六

補遺

十四

友相兄不辭會替兄僧遊廬山理甫以母命從兄竟不
反劉氏生子甫三月姑欲劉他適因惡兒啼聲呵劉不
已劉寄食他所姑不給劉薪水多方苦之劉自出行汲
行風雨泥淖中往往顛蹙河干亦甘之日吾撫吾夫之
孤幸孤長吾何憾乎未幾孤殤劉苦日甚而誓死靡他
苦且益整值姑臥病長婦鄧氏生厭怠劉獨侍奉姑側
呼湯藥則劉在問廁踰則劉在展轉夜半則劉在姑始
哭曰我誤矣我誤矣今日方知孝婦也遂卒劉哭之慟
鄧氏志之嗾其夫毓甫私囑媒妁計誘勢劫劉嚴拒之
猶慮含沙流矢之毒不已也告守節於邑令需公林公
王公李公及國朝殷公而王公會贈額旌其門曰堅

正永貞宵小氣奪鼎革初竈戶揭竿毓甫乘間欲生劫
劉劉挾利刃逃匿截髮破面繼以自剄人卒莫敢近官
兵駐馬塘鄰人指使叩劉門甚急劉惶懼閉戶手撼窗
櫺木甚堅應手若拉朽跳而免次日兵去鄰人共爲歎
異伯與鄧氏亦敬憚寢其謀矣劉仍徙居去馬塘之鄧
莊生七十一年苦節四十餘年

按鄭楊兩志僅載天守節年數今從劉增琳蔡

閣集錄出

石氏沙帶珽妻夫早亡守節邑侯李給額獎之

見通志

貞女李巽貞李堅齋女

鄭楊兩志皆遺邑人姜樹爲立傳

邑人姜廷會詩

云驅車雙店南路出孝女里孝女問爲誰巽貞氏曰李
孝女本性成笄年知毛裏長願事雙親不字終身矢父

如臯縣續志

卷十六

補遺

三五

母諭婉言女泣復長跪兒爲親所生非親何所恃棄親
事人親兒心安忍此親聞心悽然聽其奉甘旨弱弟襁
褓中扶持賴伯姊吁嗟生不辰父病不能起百計救無
方向天禱且誅願以身還親剜肉血淋指雜糜以食之
勿藥而有喜父死得此生女身因此死幾死死復生傷
親無人倚魂魄依稀幃幃地下悲難已孝名列於祠孝行
垂諸史全孝復葆貞額題督學使木蘭許同心曹娥堪
比美有女孝如斯愧煞人間子

補藝文

宋胡瑗洪範口義二卷胡瑗阮逸同撰皇祐新樂圖記三卷

明冒起宗閱藏寤言拙存堂逸稿

明蘇文韓張玉成同選明五先生文選集

張玉成歷代帝號甲子一卷冒起宗序成倩詩選冒起宗序

嚴怡石谿子丁酉歲稿

冒愈昌綠蕉館集四卷王思任序

冒襄重訂樸巢詩文集陳名夏序

冒殷書萬卷樓初集黃陽生序

如皋縣續志

卷十六

補遺

三

黃應徵自娛齋集二卷冒愈昌序

余峯復圃逸我吟一卷冒襄序

黃輔恕菴詩稿四卷邵潛序

釋元敏善任菴詩集冒起宗序

國朝范方詩經類譜十六卷默鏡居集四卷趙昌標序字學

刊誤五卷

通明四書補註考正古本大學靈瑩集附續編

石璜匏菴遺集五卷陳瑚序

李范姝贊月舫集

黃學北重刊黃鐘蘧廬集

范大士小草吟一卷陳世和序西園嚶鳴集一卷鄧漢儀

序

李宗紘浣雪山房存草一卷

范邃鳳珠齋集一卷霜姍集一卷昌晚集二卷

徐建杓燕越從遊草一卷

江大錫隨月草堂詩集四卷史鳴臯序

黃振瘦石稿十卷江大鏡序

江干片石詩鈔八卷袁枚序

吳廷燮梅原詩鈔四卷江大鏡序

熊連澹仙詩話四卷第瑚序

奈瓚蓉鏡詞一卷吳綺序

冒丹書西堂詞一卷丁思孔序

如臯縣續志

卷十六

補遺

三

潞河魏聃年輯蠓山詩鈔十二卷王兆熊序

高塘輯高氏家集四卷錢標林序

姜恭壽瓠尊集一卷

海昌張瑚九十九灣河棹歌一卷許道基序

錢岳錦樹堂詩鑑十二卷歸允肅序

童昌齡韻言篆略一卷盛宏遠序

仲振履作吏九規二卷李灃序

管濤鋤金園別集一卷吳錫麒序

管聯管兆藹棠華書屋詩集三卷詩餘三卷沈業富序

汪之珩東臯詩存四十八卷

大定四庫全書提要總集類存日東臯詩存四十八卷

汪之珩編之珩字楚白如臯人是集選其邑人之詩自宋以迄於

國朝每人各標其字號官爵所載既多近時之作而之珩之詩收至二百餘首王逸徐陵芮挺章自錄已作未如是之繁富也

孫星衍序乾隆三十九年

詔開四庫館摭輯海內遺文而如臯汪公之珩所撰東臯詩存得入集部存目中公字楚白自號璞莊先世自歛遷居如臯世有隱德至公以文學起家好施與所輪修建賑恤貲逾數萬公奉母至孝不肯以仕違親東南之士多歸之構支園以爲翹材之館鑿池沼樹卉木貯文籍如臯縣續志

卷十六

補遺

三

數萬卷賦詩著書其中人以比冒辟疆之水繪園手輯邑人所爲詩自宋胡直講瑗及元明國朝人以備一方掌故易簣時猶屬妻及子成其志公既卒并刊公詩於後其書果行會有牽連訐告者

天子命大臣檢視別白無他寢其事公子春田觀察各爲霖時官比部郎因上其書得列四部越廿餘年重加校刊行世焉考前人錄一方文獻始自宋鄭虎臣吳都文粹及元汪澤民宛陵羣英集近世則有粵西詩載山左詩鈔甬上耆舊詩諸家盛行於世今阮雲臺撫部撰淮海英靈集曾賓谷都轉撰江西詩徵或先後公其愛才好古之心與闔門合轍予嘗惜三吳文物之邦無人蒐錄成

編也若田觀察亦以能詩世其家未弱冠登朝出守思恩鎮安摧鹽法道年三十餘而致仕所至有政聲以強直爲上官見憚及歸江鄉與余爲文字交往來金陵吳門間題詠勝蹟江淮間想聞其風采倘更刊所作如斜川之繼東坡亦甚盛事夫著書難成書難其書行世益難古人有覆瓿之憂仰屋之歎若東臯詩人之得公以顯其名公之得妻若子以成其事且達其書於

朝以呈

乙覽誠曠世之遇公固無憾於述作觀察亦無愧於家學也因敘其梗概如此

汪爲霖小山泉閣詩存八卷大學士阮元序

如臯縣續志

卷十六

補遺

三

叢合瑛學略一卷學使雷鋆序

叢祁誌謝撤蓮室著芳韻樓集

漢前將軍漢壽亭侯廟碑

嚴 怡

古名將多矣名銜勳績載於詩書書於史策銘於鐘鼎紀

於旂常蓋有學士大夫所不能悉得而知雖博雅君子所

不能悉記憶而稱述之者而況於貌徧天下血食互古今

者乎於惟蜀漢漢壽亭侯關侯雲長自其薨逝之年至於

今計一千三百有餘歲矣其英靈烜赫如在目前通都大

國下

關二

戎狄蠻夷婦人女子靡不識知侯之姓字肅敬

侯之威靈伏臘歲時奔走侯之祠宇古謂洋溢乎中國施

及乎蠻貊者乃今於侯見之侯何以得

關二

哉蓋自漢政

不綱姦雄競起操賊篡逆鳴張於中原權席父兄之資竊
據乎江左其他紛紛籍籍擁衆而寇攘者莫數於時游內
實多智謀之士闕二才莫非漢之臣也使其能同心戮力

持危扶顛勿替宗盟以匡故國則二賊不足梟夷四方不
難底定矣奈何其不往從乎銳意恢復漢室闕四心於魏

則委質於吳忘本朝而事寇讐寔陷於亂賊之黨而不顧
惟侯首與翼德知帝胄之當從操嘗禮之厚而不移權嘗

三昏而不許闕四流離之際周旋不舍者蓋三十年方侯
進攻襄樊成震華夏操且議遷都避之時則中原若將可

定江東在吞吐中矣奈何桀黠如懿若闕五權與阿闕一
匿詐藏凶蠶毒於背芳仁負國蓄私忿而忘公讎癰疽蝕

如臯縣續志

卷十六

補遺

三

於內昭烈武侯不及爲之策應於是闕三鄉之元鳴乎豈

天則不助闕四去天且無如之何矣雖然彼權操者區區

詐力所竊土疆今皆爲侯神靈所棲香火所在其奔走饗

祀者闕五不激發其忿恨亂賊闕四正氣至於今塞天地

之間侯之精爽至於今猶有生氣使人至蒼蒿悽愴若或

見之侯所謂死且不朽而賊子亂臣空存罪案何益之有

闕一吾臯闕二廟莫考其始何時乃若臯人之恭敬與夫

侯之靈響則怡自童子時既聞之矣既見之矣往有聯句

會標於都門嵩縣二祠又嘗爲高師闕五今作此碑則里

人曼休爲其子溟疾病丐其生於侯感應而作也休之伯

見相率休請文固怡平生所欲發憤爲之者也所恨無後

山陽六揚侯之靈

漢漢壽亭侯贊

嚴怡

炎精晝蝕漢鼎宵昃操維鬼蜮權寶螽賊桓桓帝胄起正
皇極猛將如雲克成厥力孰如我髯絕倫超逸威震夷夏
施及蠻貊不弔昊天中道顛陪一軍以驚四海是惻操維
罪魁權寶誅首遺臭萬年篡竊何有矯矯我侯死且不朽
怒雷行空靈氣貫斗祛除孽妖廓清宇宙無疆廟食舉世
奔走繫我皇明饗祀孔厚神隲於幽與天同久

欽取海淀迎

鑿詩 有序

叢之鐘

臣聞書紀東巡典崇柴望詩歌時邁恩逮共球攷唐帝
遊河之歲曾刻玉於中春稽虞廷狩洛之年亦受圖於

如臯縣續志

卷十六

補遺

三

下稷塗山則萬國偕來樂野則雙龍並駕維魴可貫銘
石鼓於岐陽我馬既同馳田車於甫草蓋惟念萬姓之
暑雨祁寒是以歷九州而宣風展義欽惟我 皇上

膺圖受籙法 祖敬 天 文治光昭 武功煥赫聚

瑯環之秘籍四庫則甲乙攸分收金石之遺編 三閣

則津源並逮建辟雍而 臨太學宣 御論而啟經筵

加以 王師不戰 天討無前狼弧握大順之機虎旅

乘長驅之勢取金川如振楫收回部若拾遺歸馬放牛

薄海熄烽烟之警橐弓脫劍普天皆耕鑿之民於是人

蒙其福 天降之祥 五世同堂 一人有慶 九重

錫宴千叟承 麻歌南風而解渴 國是長春奠北極

以攸居天同不老猶且勤 宵旰而 敕畿康因 遊
豫而 行補助東吳南越屢駐 霓旌長白五臺時移
彩仗知津淀之名區爲 神京之近縣星分析木地
接長蘆聯三輔以開圖滙九河而歸海熬波出素魚鹽
輻輳之場挂席維綯番舶往來之所屢閉撲地人家則
煙外週迴蕙櫓排空雉堞則雲中迤邐望 恩幸 澤
戴 德詠 仁人人懷就 日之情戶戶切瞻雲之願
因於仲春上吉之辰式 舉設教觀民之典維時韶華
澹蕩景物暄妍信風飄結彩之旗輕霧散懷香之袖鶯
歌燕睇春歸握鯉淀邊柳細花般人在峭帆亭上
皇帝於是乘青驪張華蓋虎賁前驅龍驤後衛風伯迎

如臯縣續志

卷十六

補遺

三

駕以清塵兩師隨 鑾而除道 蒿官駐罕瓊釵金

鉦 翠輦鳴鼓玉虬紫燕萬戶班彬而欣悅四民雜選

以奔趨瑞采星輝介五十三年之 繁祖歡聲雷動慰

七十二淀之輿情且夫 宸遊矚目匪玩物華 清蹕

行春仍憂民瘼溯自河水安瀾洪流順軌指滹沱而可

渡歸永定以無虞滋萬井之禾苗雲連繡隴障百川之

汎濫虹偃金隄下竹捷於淇園久已官成瓠子儲薪柴

於東郡還防水漲桃花此懷柔雖及於百神而翁河僧

關夫 睿慮也若夫移 鳳舸而凌波 命虎臣而謀

武演鸛鵝而作隊編魚麗而成行三翼齊分尾銜青雀

五樓競逐帽識黃頭陣靜地而動天勢垂雲而立水陽

侯川后以功成始歸室龍宮光霏錦纜此又寄海濱之
保障備典禮於蒐苗者也爾乃敷 厚澤布 綸音蠲
六飛所過之租減四方維正之貢 養高年而逮庶
老烝髦士而賦長楊涵濡 醲化淪浹已遍於寰瀛披
拂 仁風長養直同乎覆載昇平有象熙熙然正德利
用厚生 至德難名巍巍乎博厚高明悠久臣遭遇
清時屏營 輦轂翹瞻 靈幄咫尺 天威敬綴蕪詞
用劾 華祝謹拜手稽首獻詩曰

欽惟我 皇誕膺 駿命敬 天 勤民光昭 列聖炳
矣 武功煥乎 文令久道 化成執競無競

聖人經世萬象在宥生類娉娉以載以覆習習祥風濛濛
如皇縣續志 卷十六 補遺 三

甘露玉燭陽明何生不茂
芒芒津淀大海之濱鹽田藝貨羅綺嬉春被 風濡 化
比迹同塵喁喁望 幸媚茲 一人

乃諏吉日乃 幸名區和風輕扇雲氣四除 皇王蒞止
鸞旂 鳳輿怡情芳甸流 覽清渠

式瞻 天顏龍光燕喜慰此百僚施於赤子瀛海滔滔旣
清而駛 元澤旁流來如活水

維 皇勤止匪居匪康維 皇緝熙時邁其邦敷天 哀
對農圃 省方懷柔震疊穆穆皇皇

皇帝大知明昭式序宜暘而暘宜雨而雨 執兩 用中
登三 咸五統和天人百世之矩

皇帝至仁泪泪油油内被中國罩及外悠洋洋 聖化日
見深柔曠世齊歡奠我金甌

弔鄭孝子詩

孝子名藻
傳見楊志

鴛湖

徐世綱

江陵美劉昆潑火昭前策請命爲斯民雨洗炎官赤古初
守父喪火透東鄰壁願以身殉之一炬頓爲熄惟火尊不
親自古誠能格吁嗟鄭孝子天道何難測獨行竟焚身長
言爲歎息孝子居甫田書帶階前碧扇枕無倦容問寢有
怡色祝融太不仁夜半穿其闔雙親睡未醒孝子急何擇
甯計厭樊英未遑媚闕伯捐軀入火中情以救親迫香骨
邊煙銷誰贖身其百鑿坯親尙存焚玉心如磔思子淚千
行慟子頭雙白魂兮猶有靈長夜依親側碧血化青燐高
如臯縣續志

卷十六

補遺

三

堂照孤寂千載木蘭陂

興化府
南山下

一杯澆苦醪兩岸棠梨花

人家有寒食

四忠詩

許掄

車書溥海同一隅化自梗喪家走茫茫顧名又井井藉手
爲扶持緱峯鶴去冷樓船來石頭怒濤鐵甕迸厦傾木難
支月黑燈獨耿鉤黨慟李膺河山留片影

科名真不愧忠孝自能料空梁懸一綆斯事甯倖邀悲歌
聲慷慨元凶慟未梟眼枯泣血淚血痕尺素標 旌謚隆
祀典春秋歲遙遙俎豆祠屋下魂兮何處招

盤盤仙李根踐踏同陌柳磊塊起方寸把杯澆濁酒世鮮
百歲翁皮囊幾不朽毅然膏斧斤何如天保九芳名萬古

春編年竹應劭邱隴首重回坏土竟誰負

憶昔西山士探薇嬉以遊何獨吾宗子不見容邑侯長嘯
辭親串捐軀性所優從容語廷尉鬚眉爲之差係纏咏歸
去知命故不憂寂寂梅花嶺濤飛碧血流

蔣節婦詩 爲吳氏蔣一陽妻作

李士伯

嗟嗟未亡人稟性原貞淑時纔十九齡奄忽夫喪迫豈難
一死捐有孕生遺腹有姑現在堂窈窕將倚孰勗勉此一
身鱗老仍課讀一室久漂搖何如巢已覆盜來不忍侵鬼
滅甯因哭蓼荼凡幾茹今年壽逾六兒喜成名儒青青子
衿服天道既已彰帝旌應不慝

陳烈婦詩 爲何氏陳世紀妻作

顧光祚

如臯縣續志

卷十六

補遺

三五

何氏有美女燕婉多令儀不合使君婦來嬪仲子時同心
喻磐石誓言永不移本期白首歡命短棄若遺譬諸雙飛
禽雄折雌難爲三復黃鳥詩臨穴當相隨奈何懷抱中呱
呱有孤兒言念夫增魂血食將待誰兕苟不克全恩義恐
有虧回顧所事姑授託良無疑遲遲歷年載宗祀得所宜
功成赴冥漠要結終無期

東海烈婦行 爲關氏作

李宗綏

東海斥鹵地民俗多澆漓烈婦正芳年猛決亦何奇夫死
未逾月其族貪朱提束縛置車中疾驅如風馳呼天天不
應呼人人莫知朝爲未亡人暮作他人妻義不汚強暴霜
鏢子內持一揮螭螭領身首頓分離忠臣殉社稷誰不願

爲之所難在頃刻生死判兩歧持刃忽戰慄冷粟生寒飢
遲迴顧念間大節遂以虧此婦勝男子就死如甘飴命絕
目不瞑熱血飛堦墀九原逢故夫相視有餘悲妾身落
阱妾璧幸未淄覓乳日夜泣呱呱兩歲兒於今方清秋飛
霜此其時完節歸夜臺銜冤待法司我聞深歎息泚筆撰
哀辭期間採風使爲伸泉下眉

王解子夫婦詩

有序

吳嘉紀

賓賢

如臯王解子酷嗜酒里有義士妻某氏罪當遣戍縣官
差役往送解子與焉歸悲惋終夜爲之罷飲其婦詢知
願以身代義士妻解子許之送至戍所值鄉人以金贖
義士妻不知其爲解子婦也姚潛爲余言命余賦詩

如臯縣續志

卷十六

補遺

三

張羅待黃鵠鴛鴦乃雁咎義士妻遣戍解子飲罷酒慘愴
還家門色驚糟糠婦漿醞寄性命今何不入口問訊執壺
前解子起搖手汝曹婦女流中懷豈堪語若欲知其繇汝
且將壺去漿醞非刀劔能平不平事汝亟將壺去義士妻
遣戍其婦毅然謂堂堂義士妻此去爲奴婢羞辱儂念之
面貌外不識他人可代伊何人可代伊搔頭惱阿公公也
無庸惱願代者是儂解子得聞之歡喜涕還墮汝曹儻如
此我拜汝曹坐未明肩輿出曉至官衙裡鞴鞍遣戍人點
名及解子銀鐙繫馬上戈挺荷馬前意氣火伴中甯知路
險艱蕭森北林樹斃騏黃河煙蘆葦隱漁火宿雁雙雙鳴
回首鄉土夫婦欲何言月落別黃河口出見戍樓來日

關塞外永辭我故夫高情生惻怛淚下如連珠無端故里
客邂逅他鄉陌深悲義士妻遽解黃金贖仁義感道路見
者欣相告誰知有匹偶天暗全骨肉西風催歸騎東臯指
茅屋解子婦言旋義士妻免辱團團臺上鏡皎皎匱中玉
解子樂何如滿飲杯中綠按義士許元博也以金贖者冒襄也

貞婦辭

爲許氏石澗妻作

周洪謨

女蘿託喬木誓保偕老期狂飈忽拔木女蘿將安依憶昔
迎鸞辭翠輦玉琴瑤瑟諧朱弦誰謂青天負薄命不教白
髮齊喬年九原何處問泉路膝下孤兒方學步鴛鴦分散
暮塘雲芙蓉泣老秋江露孤燈弔影寒夜長促織聲悲機
杼旁手持斷絲羞再續雙雙玉筯流空房空房寂寞守貞
如臯縣續志

卷十六

補遺

三

節離腸恰縮同心結篋中白蠹蝕羅襦鏡裏青鸞愁黛月
君不見巢父許由洗耳移上流又不見共伯婦柏舟自誓
甘荼苦宛能讀書着父衣妾應死草生春暉

洪烈婦詩

爲洪氏張維新妻作
有序

李之椿

張聯芳以其後母洪烈婦詩請曰吾父將死而母先自
縊可謂烈矣夫烈者有所激而爲之也及訛其父死之
故則以全姑節而禍及其身嗟乎姑節全而身死身死
而妻以節從洪之不負張也烈哉乃作洪烈婦詩

郎也捐生爲姑節妾也從郎心倍切幸郎未死死郎心妾
死郎聞郎氣絕攜手同歸死亦生鴛鴦塚上無離別如郎
獨死妾獨存窮閨夜夜空啼血幽棲相敘及生時怒氣未

平衷自悅雙魂來往尚依姑寒生白日乾坤雪孝哉兒少
閔子騫誓死千秋傳母烈

雙節歌

為吳氏桑陽谷妻生員九級母李氏九級妻作

石 湘

吾輩素推桑孝子哭纓君門代父死歷傳八世流輝光一
門雙節炳青史阿母孀居三十年齟齬誓賦柏舟篇娶婦
堅貞堪濟美視古烈女無後先亡何時際兵燹變雪甲金
戈光躡電驍騎奔騰誰潰圍馬上佳人羞掩面覩顏事讐
何紛紛賣笑追歡從賊軍須臾亦同螻蟻盡可憐千載無
令聞爾時姑婦不得息深入蘆葦剪荆棘曉夜提攜競竄
奔弱女呱呱相對泣忽報妖氛逼道途自揣被虜無完膚
攘臂罵賊爭先逝婦亦捐驅下報姑身隨亂骨枕荒草血

如臯縣續志

卷十六

補遺

三

濺長流魂縹緲宵教陌路葬朱顏忍向行營誇姣好君不
見田橫義士五百人拚生延頸死海濱君家長幼皆從難
迴看若輩臯纒分

維揚豪士歌

贈張羽于鶴齡 按公為學舉祖以豪俠著聲

周斯盛 此公

夷門侯生久不見魯國宋家老亦倦利劍結交感陳思遂
使千秋空歎美紛紛齷齪何足論眼中誰復似陳遵東臯
張子獨殊絕山川草莽寫心神不向時人語意氣布衣磊
落多高致排難真同魯仲連友于豈愧延陵季我客江城
兩月餘高天秋色下芙蓉忽焉傾蓋如舊識雷陳肝膽同
相於嗟乎東西南北行捐棄卜居漁父常憔悴有酒難澆
要離墳有筆空題翟相字感君古道照顏色欲語中懷仍

默默園亭夜雨秋陰多爲君賦此豪士歌

紀孝詩 有引

許嗣隆

如臯冒子青若者西京華胄南國名流襲祖父之鴻聲
世稱遜抗揚弟昆之駿譽人羨機雲門無鳳字幼傳孔
李之言筆有龍文長獲曹劉之目詩寫銀光集英華於
十子詞題金粉漱芳潤於六朝瑯琊字以邱君淝水稱
爲孝子乃洗馬既善言愁拾遺又兼感遇黃金有命憐
他猿臂將軍白雪無權歎此鳶肩奇士行吟楚澤天上
埋憂舒嘯蘇門風前寫恨因之家計荒蕪重以人情構
關伏戎臥榻忽飛朱亥之鎚喋血門庭竟中隱娘之劍
身能代父雖洞胸穿脇以無辭心可籲天但飲恨吞聲

如臯縣續志

卷十六

補遺

三九

而何罪實受三刀之慘幸全一線之生天生孝子兩代
聲名世有勞人卅年荆棘縱芳華被於異日乃蕭槭甚
於斯時嗣隆誼切葭草交同金石觀茲異事聊綴微吟
爰矢秦音深慚郢雪

何年噩浪與盲風忽有戈矛及老翁孝子果然能搏虎侍
兇况復解當熊君家侍兇棋子亦以衛王傷腹幾死模糊血裏三刀夢慘澹
天收一七功此事原關僕射福笑他妙手遣空空

賁貞女詩

許納陞

茫茫十四喪夫時膏沐三年總未施刺繡何曾留好樣辟
徒自守空幃衰麻兩見家偏住生死同歸志不辭節烈
千秋惟汝賴世間多少是男兒

輓蔡孝女詩

按蔡女蘿名含冒辟疆姬人以孝稱其

八十壽終女蘿哀痛致疾卒又水繪園嘗有盜夜入室操刃刺婢僕數人女蘿急滅燈以身左右辟

疆得脫 李宗孔 書雲

好將金粟憶前身自小珠同掌上珍去作曹娥江上伴應留黃絹與詞人

藁砧風雅重當時人似青蓮欲殺之驗取石榴裙上血於今真作斷腸詩

橋

安定橋在嚴家灣宋胡文昭公故宅前久廢今兩岸舊蹟猶存

園

晚香園在馬塘場南街安徽通判王燦別墅

齋

還樸齋在學宮東雲路巷冒丹書以及襄樸巢既燬見老樹可數百年遂卜築其下王士禎有記

堂

花源草堂在縣北十五里花源港宋范公儀借姪良傳來

如臯縣續志

卷十六

補遺

聖

如臯從胡安定公講學遂居其地見通州王志

孝友堂在治東薛家池明嚴期大築

軒

曲尺軒在鋤金園內管濤讀書處

莊

支家莊在城南隅冒殷書有移居支家莊詩曰移家直盡城南路寥落居人盡掩扉靜極有聲梅子墜老來無伴燕雛歸姑遲一食當再食更壞何衣補此衣安得相逢不相賤古今人似我貧稀

廬

寄廬在城東偏邵潛夫僑寓如臯所構王士禎訪邵潛夫

寄廬贈詩曰萬曆年中古逸民滄桑閱盡白頭新張琴
已老口無齒杜甫還驚筆有神偕隱鹿門空往事五男
梁里只單身行歌帶索吟三樂好與榮期共卜鄰原注
邵無
妻子年八十有三矣

宅

總兵曹應鵠宅在曹家巷

員外范端宅在城西豐樂橋今燬

墓

明給事中馮世昌墓在雙店鎮東二里塔廟前

明光祿寺少卿馮上知墓在馮家樓西南里許

明湖廣參政馮上賓墓在雙店鎮東北八里殷家莊

如皋縣續志

卷十六

補遺

三

女兒墳在西場去城北四十餘里相傳鄉農失其姓生一

女紡織奉孀母誓不嫁母終殯後遂自盡里人憐而葬

之女士黃心石弔以詩曰烈孝本無雙一死邱山重荒

海出奇人萬古留孤塚

范曾輝墓在縣東十里舖邑人史鳴臯爲誌墓略曰乾隆

三十九年歲在甲午九月甲申文白先生卒門人來會

哭失聲已相與言曰死謚周道也賢者故事有易名門

人得自稱之不爲僭越也先生勤學博聞貞復一心有

道而文行不涇白於法是宜吾黨以是稱先生不待舉

姓氏字行而知聞者皆以爲允於時既殯卽稱日文白

先生聞一載其孤駒爲卜葬以期告且徵銘臯與先生

自成童至於白首文章膠漆蓋五十年執友誼不待辭
乃序而銘之先生姓范諱曾輝字充光號寶齋系出文
正由吳門遷如臯其父日蕃曾祖立 誥授中憲大夫
祖金壇縣儒學司訓諱大謨著書號宙醫子考諱棠字
液舟號棣園太學生績學攻舉業自己酉闈薦不售卽
閉戶窮經日吾以遺子矣生子六先生其長也慧性天
出質驥而神腴幼卽端慤沉敏絕諸所嗜好獨癖於文
過目不忘於心過耳能筆之手博貫子史百家之書而
尤鑽研六籍其所辨訂往往摘抉杳微闡古人所未發
其論制藝也體大物博而持律甚精但有稿有選未有
遺於流覽者其臨文則凝神默息頃之落紙風生無所

襲蹈不煩點竄而就試輒冠軍者數十次弱冠餼於庠
旣壯舉於鄉旣強而貢禮部里中及四方從學之士皆
舉舉爲名諸生南北捷者十餘人蓋先生之樂道於文
旣成名二十年猶未嘗一日不讀書也先生性孝友而
艱於嗣甲戌成進士丁丑子駒生日父奉堂上色養甚
歡念棣園公老且病檄取赴吏部不就辛巳棣園公捐
館哀毀服闋時已逾選期當事及同年友多寓書促之
仍依依太夫人膝下不肯行及丙戌太夫人又逝自是
抱慟終天祿不逮養竟終以不仕先生溫恭和易謙以
自牧無苟訾笑清不嫉俗仁而篤親有所闕卹不厭煩
數亦不令人知文字知交而外簾閣據几不輕往來市

人罕識其面嗟乎以先生之文章學術出而經世必有卓然自樹立者且生際盛明人思一官自劾四十成進士虛左選班者久矣而眷戀庭闈竟至家食以老論者惜之然而子夏曰南陔廢而孝友缺白華廢而廉恥缺鮮俸晨葩莫之點辱惟先生足當之矣噫嘻豈不難哉所著有幽風傳說四書註辨考周易疏義周禮條辨諸書待梓以乾隆四十二年三月葬於治東十里舖銘曰彈冠慶矣不出門閭令名揚矣榮於軒車教澤長矣績在詩書華自兮蘭芬賦綿兮椒繁樂色笑兮依邱墳旣安且吉兮以佑其子孫

樸巢詩

有序

李之椿

如臯縣續志

卷十六

補遺

四

孰不好異而孰好異無論異人不易得卽異樹亦不易得余生平所邁異樹一見之報國寺卧松再見之西嶽廟青牛柏異乎兩絕人間而吾臯有樸焉伯仲哉異矣樹踞龍遊河儼然龍也余曾跌坐樹杪者竟日私盟諾樸曰可巢逾二載樹歸辟疆辟疆吾臯之異人也異人異樹湊合適奇願借我一枝結巢自放然未嘗向辟疆言辟疆乃與余不謀而合謂非樸之靈哉巢寄生於樸純以天行出其餘巧爲橋爲臺皆堪振衣霞舉辟疆詩云望氣招仙李余則何敢以關尹視我辟疆惟誦其詩而和之便飄飄作凌雲想性癖耽佳者徂徠哉之椿別號庶幾謝朓驚人句乎若辟疆欲搔首問青天請攜之登樸

巢而歌

想像何年樹巋然萬古雄飛來新結構嵌出舊玲瓏妙展
仙壺術奇開鵝籠聰御堪追列寇居可傲張融茅藉藤蘿
幻矯穿薜荔工照波鮫室綠綴闕一蕊珠紅戶暝蟲絲網
窗危鳩舌攻月明衣化鶴雨過棟棲虹賺釣虛吞鯉疑弓
巧戲鴻盤旋浮法象蒼翠覆崆峒星摘槎中客龍乘河上
公似聞人語迥却是鳥聲同嗽瀑懸瘦貯窺雲蠹葉通徑
窮黠鼠技襟納偃佺風坐覺鴻濛近靜叅天地空神堯餘
壽樸巢父託微躬

水繪園記

范方

臯城東北隅有地一區澗溪曲折巨木千章中雜嘉葩修

如臯縣續志

卷十六

補遺

聖

竹亭榭相望欄檻相錯廣可二十畝疊石爲山峻嶺深壑
蒼鬱菁葱常迷遊人屐卽吾臯所艷傳爲水繪園者也稍
南有池廣得園四之一藻荇參差清深無際雖旱不竭曰
施食池先是有梵僧投麵食其中後人得魚剝其腹尙有
麵亦曰洗鉢池云蓋邑之勝園爲最而園之勝水爲最人
常載酒以遊笙歌互答仰視長林俯瞰清泉上有飛鳴之
鳥下有出聽之魚若與歌聲映發故是遊觀之佳麗而辟
疆旨先生之別業在焉或曰以其如畫謂之水繪或曰水
匯匯者會也爲畫之說曰昔人工畫者如玉維輞川李伯
時山莊照耀後世至今披其圖如身入其境斯園勝概甲
於一邑入其境暮山紫色朝來紅雨狀態悅人心目又已

儼然身在畫圖今人有工畫者譜之絹素當與前賢比迹
至於其間溪山之蒼花竹之明媚鳥翔魚躍梵唄之天機
逸韻主人悉領略其旨趣發爲文章讀其詞可以摹擬其
境則又所謂詩中有畫畫中有詩歟爲會之說曰臯地故
墳衍於揚屬爲覆釜形旱易竭澇又易盈也斯園地勢下
諸水奔注有祭川之象海以不擇細流故能深卽是以推
之澄清蓄濁其主人之容衆優賢也崧涵太虛其主人之
胸羅二酉也本源不竭其主人之名譽滿天下而非盜虛
聲也彼此挹注其主人之道理具足而爲後學所取資也
則入其境又可以想見其人已夫士之難兼者惟文與行
耳今讀先生之詩歌古人辭陵轍今古楮間毫端時攬其
如皇縣續志

卷十六

補遺

吳

幽異則於前之說可謂無負矣且先生之爲人寬宏博大
能包容於流俗而又不喜與俗儕俗有侮者置不較居恆
善緩急人則於後之說可謂無負矣蓋天地間有形必敝
金粉之地化而爲圈牢帝王卿相及富貴公子化而爲露
處爲編氓卽立功絕域世所嘖嘖者多不能名榮身泰令
人惋惜則茲園後日或興或廢大抵聽之飄瓦虛舟而先
生之文章之品行卓越不可磨滅者斷不同茲園之或興
或廢聽之飄瓦虛舟之列理固可信又何疑哉至於時物
之陰晴異態遊人之仕隱異跡心境之或苦樂異趣歷覽
者皆能自寫胸懷予烏能備言之也

再泛水繪園看月

王世禎

松塢自幽隱
夜清月輕舟
漾浦淑習習
涼颺發竹煙
禽響亂徑僻
人踪滅島嶼
已千尋川涂
更百折月影
散木光景紛
奇絕孤篷泊
煙霜澄懷抱
冰雪我有素
心友掩關事
禪悅噉粥日
消散觀道離
言說示我秋
水篇邈然寄
寥泬遠寺傳
鐘魚空山鳴
蜻蛚流連印
渚遊惆悵林
中別

其二

丞相原

李四載

城東之地高且平
正氣直上千天青
文山入海此書伏
至如墓縣續志
今原以丞相名
名存人不朽孤踪
若爲偶十二從者
半死亡寸挺尺劍
非吾有當時叠山
不與諧况乃受閭
揚州守推心惶恐
灘泣血零丁洋前
路去洶洶所過已
渺茫哀哉天不祚
宋颶風狂只有千
秋正氣餘光芒

吕公墓懷古

石京

當年仗策鎮雄州
名冠江東孰與儔
詎意簪纓成往事
空餘碑碣臥荒邱
孤墳寥落煙初暝
野樹迷離葉自秋
一望村南頻灑淚
滄桑今古不勝愁

